

四庫全書

集部

欽定四庫全書

集部

御製詩四集卷

五十八至
六十

編修臣
初喬齡覆校

總校官編修臣
程嘉謨

欽定四庫全書

御製詩四集卷五十八

古今體三十五首

己亥四

題舊玉圭壁

一圭著壁未前聞應為

去聲

春官誤會文

此圭璧中為璧形上下露圭末

圭本向未見有此制蓋因春官四圭有邸之注謂圭末四出而誤也考宋聶崇義三禮圖其繪四圭有邸中央為壁四面各出一圭則首長短與內好稱又繪兩圭有邸制亦同惟圭首上下出耳至其繪圭璧則下為璧上為圭首長短適均其下更不露圭本自為可據此玉質與色俱舊而制作不合古圖豈琢玉者以意為之未加

深考 却是千年以上物穆然土色蔚蒼雲

讀韓非說難

韓非曾著說難辭世態揣摩竟莫遺寄語聽人之說者
破其術祇在無私

詠永樂雕漆畫景盤

坐對健談高尚趣世間那肯姓名留不知何許人如擬
應是野王二老流

亦有松風亦有軒但看相對不聞言未經宣德偷官匠

喜尚年標永樂存

永樂中果園殿制別紅器針刻大明永樂年製字比元季作者似為過之

宣德時厥器不逮前工屢被罪因私購內藏盤合磨去永樂針書細款刀刻宣德大字濃金填掩之故宣款皆永器也間存永樂原款則希有矣見帝京景物畧

聞甘肅得雨詩以誌慰

旬宣入覲命迴甘雨水沿途達奏函山陝均稱膏霽渥

伊涼亦屢瑞霽覃

甘肅布政司王廷贊陞見四甘奏報沿途所見情形云山陝連次得雨土

膏含潤麥隴青蔥既至甘境見麥苗滋長詢之農民僉稱臘正兩月屢霽瑞雪若再得春雨二麥可望豐收及

二月二十七日回至蘭州是夜得雨三寸其餘各屬是否一律均霽現在飛查速奏仲春到遇三

寸澤各屬將詢一律堪却是督臣猶未報載咨實况發

郵勝

勒爾謹前奏止稱甘省得雪而於二月杪得雨情形未經奏及因馳諭詢問之

文徵明春山夜雨即用其韻

夜聽風滿雨來時對坐劇談靜掩扉不是巴山秋漲際
却同商隱驚思歸

漢玉素壁

玉之古率稱漢耳斯突周姬疑夏似蒲救解等匪所云
惟存素質合太始中規而圓尺以盈肉倍其好平如砥

滄瀛湧出大輪圓有雲暈作紅黃紫一點精瑩不受遮
留照三千萬劫裏

圓規逾尺計積黍之從周古澤留珍詎浮筠之稱漢
繁茲素壁成自良工準瓊環以得中合瑾瑜而比美
蒸栗侔諸至寶四體備書紫章渾若太初長言用識
乾隆己亥御題并識

宴坐齋中偶爾成詠

優霑甘雨暮春時近遠均叨奏牘披

山東河南屢次得有透雨山西陝西

甘肅亦先後侵滋甘肅畿輔則迤南先被渥澤西東北
以次普霑京城及近甸州縣則於月之十三十五等日
雨皆深透節經各督撫及京兆奏報僉云三月
之雨有益麥收然為時正長未敢即滿志也
未敢即

怡恐心放惟存益敬籲

天知原仍禪服遊觀嬾棄置芳園花柳期改浚引河工

逮歲

儀封堵築之工經大學士公阿桂等奏助於漫口
上游另濬引河即余去冬於圖內標識處昨據奏

引河已得十之七八此月下旬當相機開放引溜四月
初即可合龍茲望雨之愁雖釋而盼望河工喜音又甚
矣切
合龍又盼喜音馳

題宋端石重卦硯

奇偶八含八復重卦成六十四為宗由來天地自然數
豈是義文叔作蹤刻柱令人明著眼不言惟硯密藏胸
玩辭則置斯觀象用者宜誰宜邵雍

憶昔

憶昔年廿五承

先踐寶阼在朝文武彥濟濟駕行布

祖

考所貽臣久矣經

舉措年皆長

上聲

於予亮功資問顧至今卅四載忽忽居

諸度年長於予者却似晨星遇

予初登極時大臣皆年長於予且多

兩朝

舊臣今大臣中之長於予者不過英廉永貴德福曹秀先蔡新崔應階六人皆予即位後所任用而

時之曾為大臣者已無一存矣復皆予所用遲任言空慕更思荀息語

少長輕之固然予則豈肯惟歎先陰速叶慙慙念故人

暇當識吟句既因申眷懷亦用足篇數

暇日欲以曩時所用閣臣功臣

詞臣督撫各掄五人舊學三人人系一詩以誌懷舊之意且尚在禪服中無遑覽即景之作而黃綾詩本以百

四十頁為一本雖近為七十二侯之詠尚詩債果有之
恐不能滿篇數因覓題賦什以足成之

一笑託豪素

久任

治官在久任內外胥重茲內欲部務練外欲民情知旋
蒞而旋遷改那周詳為名言雖如是或艱需次遲十年
非太久不調已含悲用人所以難君責其何辭一利有
一獎近事試言之直督方觀承與周元理胥久任弗移屬員

皆素董未免姑息隨方以幸未露周則顯庇茲

昔方觀承在直

隸年久頗有言其瞻徇情面於所屬倉庫虧缺藥不察
劫及濫應驛馬之事但其時並未發覺余亦不肯過事

搜求今周元理於非陞縣民聚衆抗官之案止擬為首
奸民及濟慈數人重辟而於知縣周尚親短僧累民激
變之事置之不問結案摺內稱其並無不合意在彌縫
余初未嘗有所逆億適其案內竄逸之人在京兩次弋
獲食供縣官派累名款如出一口余始疑之命尚書公
獨耐福隆安往勘得實則周元理之袒護劣員實非尋
常狗彘可比若復加寬宥吏治將不可問因罷其總督
之任然猶念其年老給予三品銜今在隆興大佛寺督
工自効余非厚於方觀承而曲為之恕亦非薄於周元
理而嚴為之繩并非憎惡周元理而吹求其短乃其事
已敗露實有闕於政體官方非若方觀承在任之並無
犯案者可比余雖憐惜周元理亦不能廢法姑容此余
辦理此事不得不抵罪雖惜難寬斯然更以自警在位
之若衷也

亦久今能無以久懈能無以熟嘻能無以患忽能無以

繁遺諸臣皆所進或亦假藉施責人忘責已詎曰公無私

雨

三月廿四日

自晨霏細點速未霽焚然靜對悠揚意端宜雅淡詞濕連土本潤愁切已惟寅柔壠麥疇畔也同農共怡

賦得山夜聞鐘

得張字八韻
考試差題

靜夜深山裏耳根萬籟藏何來清響送盡使俗音忘欺鴈度虛宇發鯨自上方隔林猶見盪拂席正悠揚未是

傳更點恰宜暎燭光似明因帶月疑冷為含霜許國應
相憶楓橋詎足當其聲殊水陸漫擬懿孫張

吳厯宿雨新晴

遠巘歸雲天欲霽喬柯滴露樹澄烟溪村野老厭閒坐
新水初生擬放船

題官窯盆

官窯創自修內司爾時外間禁用之即今經六七百歲
猶見一二晨星遺謂獨食盆誠調語唐宮奢淫何足舉

井華淨手漾釧金宜贈玉臺新詠侶雖微薜暴無害佳
如玉豈得無瑕皆聲聞通情君子恥和光混俗幽人懷

山東巡撫國泰復報得雨詩以誌慰

仲春霑澤暮春連月半重滋四寸田自北而南遲一日

京城於三月十五日復得透雨頃國泰奏濟南於三月十六日得雨四寸較此間計遲一日其雨益自北而南也
潤澍及乘賴

蒼天麥收已可期齊豫麴價早聞減市鄆

近日市肆麴麥之價頓減

固由京城及近畿連渥優膏亦由開豫東春雨霑足二麥定可豐收故不復似前此之居奇耳
謙受

益而滿招損際茲惟更勵寅虔

詠舊端石蕉葉硯

橫文破葉意精含
斐几應教置以南
設贈藏真書自叙
綠天剪處主賓參

題項聖謨婪尾春圖

花本惟爭草木差
不勝平聲朶重一枝斜
便呼婢亦何妨

爾應識身名出鄭家

夜雨

三月廿六日

傍晚東南雲佈陰雷鳴入夕復為霖已欣拳幌峭生冷
旋聽垂簷繁注音澤以頻霑驚若幻獲因未望慰難任
冬三春二愁來久昨歲三冬盼雪今春復盼雨俱未能
遂願直至此月中旬始連得優霑而
此次之雨則非因
望而得尤足慰也幸矣迴思轉不禁

懷舊詩二十三首

三先生三首

龍翰福先生

先生名福敏康熙丁丑翰林

皇考在藩邸即延其課予弟兄讀雍正初巡撫浙江遷
湖廣總督嗣以撫浙時過愆罷歸未幾復起用洊
歷左都御史余踐阼後優禮之尋授大學士先生
服官政績無所表見而方正嚴憚且能多方誘迪
於課讀為長余初就外傳始基之立實有以成之
故每追念不置云

今古既殊宜其教亦異施古方教數

去聲

年今為出閣時

出閣讀書明季諸臣常爭之我朝
法皇子皇孫無不六歲就外傳讀書者

家

憶半舞勺歲

六歲
時也

皇考掄賢師即從師授經詎惟習少儀循循既善誘嚴
若秋霜披背誦自幼敏匪曰詡徇齊日課每速畢師留

為之辭

余幼時日所授書每易成誦課常早畢先生即謂余曰今日之課雖畢曷不兼治明日之課比

及明日復然吾弟和親王資性稍鈍日課恒落後先生則曰弟在書齋兄豈可不留以待之復令予加課俟其既畢同散彼時孩氣未嘗不以為怨今思之則實有過於已故余所讀之書倍多實善誘之力也以此

倍多讀胥益平生資誰知童時怨翻引老日悲不失赤
子心能無繾綣思嗚呼於先生吾得學之基

可亭朱先生

可亭先生者江西之高安人名軾康熙甲戌成進士由庶吉士改知縣洊陟浙江巡撫所至以清操著雍正初擢左都御史晉尚書授大學士

皇考為余兄弟擇師四人先生其一也先生究心經學著有周易注解儀禮節畧及歷代名臣名儒循吏傳諸書余從學十餘年深得講貫之益學之全體於先生窺津逮焉

皇考選朝臣授業我兄弟四人胥宿儒徐元載及張

廷玉搖叶曾筠設席懋勤殿

命行拜師禮

我朝成例皇子初就學見師傅彼此皆長揖皇考擇此四人為余兄弟之師

命於懋勤殿行拜見之禮示尊重也

其三時去來

徐未久得罪去張以書寫諭旨事繁

旬月中偶一至上書房搖則出為河督惟先生常至書齋為余兄弟講授可亭則恒矣時已

熟經文每為闡經旨漢則稱賈董宋惟宗五子

謂周程張朱

恒云不在言惟在行而已如坐春風中十三年迅耳先

生抱病深命輿親往視

乾隆丙辰冬先生病且篤親臨其第視疾先生知駕至力疾服

朝服令其子扶掖迎拜戶外既深未肯竟挹紳迎謁仍嘉其知禮且甚憐之未幾即易簪

鞠脰始終弗踰敬啓手何殊爾嗚呼於先生吾得學之體

聞之蔡先生

所從之師雖多而得力於讀書之用莫如聞之先生先生名世遠漳之宿儒也由康熙己丑翰林厯官禮部侍郎

皇考命入尚書房授讀余時學為古文先生謂當以昌

黎為宗且言惟理足可以載道氣盛可以達辭至
今作文資其益所著有二希堂集嘗為之序淵源
所自從可知矣

先生長

上聲

鼇峰

先生嘗為鼇峯書院山長受業者多知名士

陶叔學者衆奉

命訓吾曹風吟而月弄雖未預懋勤

先生後至書房不在徐朱張嵇四人

之八載寒暑共

自甲辰至辛亥從學凡八年所夕講誦無少輟

常云三不朽德

功言並重

叶

立言亦豈易昌黎語堪誦氣乃欲其盛理

乃欲其洞是實為學方虛車徒駕

叶

因以書諸紳耋

敢妄掇縱德功吾何有言則企該綠嗚呼於先生吾得
學之用

五閣臣五首

故大學士鄂爾泰

鄂爾泰康熙乙卯舉人官內務府員外郎

皇考素知其名

登極初

特擢江蘇布政使遷雲南巡撫尋晉雲貴總督兼轄廣

西經理三省苗疆改土歸流其績最著餘亦多惠
政所在吏民德之雍正九年授大學士

召還入閣辦事兼軍機大臣余踐阼後深加倚任乾隆
十年卒於位遵

遺詔配享

太廟入祀賢良祠鄂爾泰性嚴正且鎮靜有古大臣風
誠亦不可及已

業師祇三人其三情向剖

謂徐張嵇見
三先生詩

皇考重英賢率

命書房走鄂

爾泰 蔣廷

錫

以閣臣蔡

璉

法

海

列鄉九胡

煦

顧

成統 天劉

梁

詩

正任

運邵

基

戴

瀚

來先後其時學亦成云師而實

友不足當絳惟姓名茲舉偶鄂其中巨擘內外勤宣久初政

命總理

初即位時

循例置

總理

事務

王大臣四人

莊親王

果

親王鄂爾泰張廷玉

皆

遺詔中

所有人也

顧問備左右具瞻鎮百寮將美惠九有好惡畧失尚性陽陰則否遵

詔命配享旌善垂不朽

故大學士張廷玉

與鄂爾泰同任閣臣最久者為張廷玉廷玉桐城人前大學士張英之子由康熙庚辰翰林直南書房洊陟內閣學士擢侍郎

皇考御極晉尚書授大學士為軍機大臣余即位每優遇之以其為

兩朝舊臣小心慎密有足嘉者乾隆十四年致仕余賦詩以寵其行乃陛辭時乞余一言為配享

太廟左券則非臣子所宜請及廷玉卒於家余仍遵

皇考遺詔行而被時不得不示以懲戒固亦瑕瑜不能相掩也

風度如九齡祿位兼韋平承家有厚德際主為名卿不茹還不吐既哲亦既明述

音信無二萬言頃刻成繕

皇祖實錄記注能盡誠以此蒙

恩眷

顧命配享行及予之莅政倚任原非輕時時有贊襄休

我國之積懸車迴故里乞言定後榮

余於臣下無不推誠相待矧朝夕左

右之大臣何轉不能諒余心乎

廷玉配享

太廟未

皇考遺詔余易敢不遵乃廷玉將歸以此為請則

不免於斯乃不信吾此念詎宜萌臧武仲以防要君聖

所評薄懲理固當

廷玉雖有過余仍不加重譴即廷玉謂當削爵奪職不准配享並不准回

籍余猶念其大學士由

皇考簡用不忍罷斥至配享雖屬過分然已恭奉

余所特加彼既忍於負予不宜令其終榮田里因削去伯爵仍准以大學士銜休致及其既卒仍令配享

太廟余於廷玉曲示保全使

被衆下有知當如何銜感乎以示臣道貞後原與配食遺訓敢或更求享彼過昭仍享吾意精斯人而有知猶

應感九京

故大學士一等忠勇公傳恒

傳恒為滿洲勲戚世家

孝賢皇后親弟也初由侍衛侍御前旋授內務府總管擢侍郎為軍機大臣遷尚書協辦閣務乾隆戊辰經畧金川晉大學士兼程統兵進剿莎羅奔郎卡聞而怖誓款服乞降以功封一等忠勇公西師之役與余同志襄贊軍務克成大勲圖畫紫光閣

功臣列第一及緬甸逆命傅恒堅決請行己丑春授經畧率勁旅往討自戛鴟濟師以後身先士卒艱瘁備經遂收服猛拱所至獲勝進攻老官屯時已染沉疴猶復力疾督勦逆酋畏懼懇請解圍而余亦因其地水土惡劣豫降旨撤兵庚寅春還朝病日危篤至七月中遂不起余親臨賜賻喪儀視鎮國公入祀賢良祠傅恒在綸扉二十三年日侍帷幄盡誠素著顧年末五旬鞠躬盡瘁喪我賢臣

每念及傷且惜焉

世臣更近戚丹誠素所信命之習政事幹材亦日進金

川往經畧旌旗改觀奮

金川蒞羅奔郎卡小醜陸梁初非難治而督臣張廣泗措置乖

方老師玩寇致胤輩勢益鴟張及遣訥親前往董辦又復畏憚偷安彈於臨敵以致績久勿就因各治其罪命擒獲奸渠梁爾吉逆酋聞而喪膽始悔罪乞降然其

時其勢未宜深入迅郎卡既怖誓持許歸降順

郎卡窘迫投誠

傳恒尚欲進兵不允所請余察其時勢祇可如此歲事乃詔許受降即令班師凱旋贊黃閣章

服三錫晉

傳恒既成功賜以紅寶石頂金黃帶四圍龍補以示寵異其後獎賜首功如兆惠等皆視

以爲西師兩用兵同心却衆論坐謀無不協用戴大功

建其後征緬甸力請往抒蓋猛拱既收服官屯進圍困

祇以水土劣兵役多病頓值彼悔罪請爰撤師旅振

恒傳

攻老官屯晝夜不輟期在必克逆酋畏懼願納款懇請
解圍傳恒却勿許然余念漳郡水土惡劣又聞軍士多
病不宜久居其地先期諭令撤兵傳恒始
奉命還北歸而病入膏肓不可救矣惜哉然因受瘴深

兼悔墮功悶遂以永辭世飾終典空繾綣我社稷臣所

期寧在近年少長上於余騎箕惜且恨

故大學士來保

來保侍

皇祖二十餘年厯官一等待衛

皇考時改內務府總管余即位授尚書六曹俱遍乾隆
十二年擢大學士為軍機大臣二十九年卒於位
入祀賢良祠來保性端謹年躋大耋神明不衰老
成之度足為庶寮矜式每詢以康熙年事娓娓可
聽而於

巡幸行圍諸典尤忠益其在

御前最久也善相馬余嘗作歌以賜亦其餘事之足稱者

初供批本職後充侍衛護弓矢固所習慤勤更其素止進恒有常不失尺寸處海陞掌內府亦久蒙

恩遇因命長部曹旋贊絲綸布更踐既已深老成遂獨許叶雖無赫赫名却有休休度讀書通大義萬石猶後步

故大學士劉統勲

漢大學士之足資倚任者張廷玉而後有劉統勳
統勳山東諸城人雍正甲辰翰林甫授職卽直南
書房官至庶子余卽位初擢任詹事旋遷內閣學
士洊陟尚書為軍機大臣乾隆甲戌協理陝甘總
督乙亥冬以罪罷斥踰年復任尚書由刑部調吏
部辛巳夏授大學士癸巳冬肩輿入直至東華門
痰忽湧上昇歸而歿余聞其病遣使齎藥馳視已
無及矣卽日親臨奠醊優卹有加並入祀賢良祠

統勲練達端方秉公持正朝臣罕有其比故凡獻
大獄督大工悉命往莅事無勿治者惟在陝甘時
聞阿逆之變議棄巴里坤所見雖謬然書生未嫻
軍旅且遇事輒抒所見差勝於模稜怯避緘默自
全者觀過知仁固宜深諒之矣

從來舉大事要欲衆志定小利亦何慶小失亦何病阿
逆之初叛衆論已紛競統勲督陝甘儲需任所勝欲棄
巴里坤是殆亂軍令治罪易廷桂並命隨軍進

叶統
勲妄陳

東巴里坤之議恐其惑亂軍心不可不斥革逮治因發往軍營令以司員辦理軍需効力贖罪事平後念其心本無他復還原職仍加任用禍福惟視其自取實不稍存成見也

五年大功成釋罪重

從政賞罰寓經權順應自取聽十餘年黃閣總兼部務仍遇事既神敏秉性原剛勁進者無私感退者安其命得古大臣風終身不失正

五功臣五首

故協辦大學士一等武毅謀勇公兆惠

平定西域兆惠實惟首功以傳恒贊襄定策準蕭

何不戰之例宜居第一而兆惠即繼之兆惠起家
中書

皇考時初立軍機處兆惠即與舒赫德同為章京故二
人皆練習政事余既踐阼知其才可用屢擢至侍
郎金川之役命往綜理糧餉尋為軍機大臣乾隆
乙亥我師撫定伊犁而逆賊阿睦爾撒納潛蓄異
謀煽衆為亂竄身遠遁因命兆惠為將軍駐伊犁
聞呢嗎等之變整師東旋中途屢殲逆衆乃被圍

於鄂壘扎拉圖適余所遣圖倫楚等率師至兆惠
力戰得出戊寅冬薄葉爾羗城我軍已疲於遠涉
而逆酋兩和卓未糾衆邀拒時我軍三千人其渡
河者僅四百乃築堡黑水固守相持三閱月百計
殲賊已邠春舒赫德等統兵赴援而余先所遣送
馬之阿里衮等亦至內外夾擊賊衆披靡遂回駐
阿克蘇兩酋竄遁追至拔達克山因各授首獻馘
回部悉平賜以世襲一等公爵晉協辦大學士並

賜紅寶石頂金黃帶四團龍補忠如傳恒例凱旋
行郊勞禮錫宴於紫光閣詳見紀事諸詩兆惠長
余僅三歲正資倚任遽以甲申冬病歿余親臨撫
酹即命其子為額駙勅祀賢良祠優加贈卹每一
念及悼惜曷能已乎

西師歷五年準回兩進討兩討凡兩阻兆惠皆經了兆惠
於搜勦準夷遺孽則有那彞扎拉圖之圍進討回部逆
酋則有喀喇烏蘇之圍皆能全師以出歷險而亨由其
忠誠素篤齊以謀勇故能而皆安然出藏功荷
邀天佑而叶師貞也

大造設非忠誠篤加以勇畧昭焉能合衆志成城錫箔

保

蒙古語錫箔者即岩堡之謂也

者定贊絲綸章服元勲表謂當永承

恩太平佐有道長予纔三年何不同予老

故戶部尚書一等果毅公阿里衮

鈕祜祿為我滿洲大族而額亦都巴圖魯乃

太祖

太宗朝開國元勲阿里衮其曾孫也乾隆初年為御前

侍衛擢任兵部侍郎歷授巡撫總督壬申冬還朝

為戶部尚書兼管步軍統領丙子冬命往軍營為
參贊大臣戊寅冬命偕副都統鄂博什送馬濟軍
彼時尚未知兆惠等有襲迫之事也阿里衮不憚
勞瘁過程而進已卯春會舒赫德赴援賊遮之於
呼爾滿阿里衮適至解其圍同趨黑水與兆惠夾
擊賊衆全師而出命襲果毅公爵圖像紫光閣凱
旋復為尚書兼協辦大學士戊子春命往雲南辦
緬甸事與大學士公傅恒分路進勦蠻暮新街之

捷皆有功己丑冬以受瘡瘍發肩背馳醫治療不
痊悼惜贈卹如典禮祀賢良祠阿里衮性誠篤遇
事力任不避艱阻余以此優眷之

昨歲秋之仲

盛京謁

陵園三大功臣墓陪葬其間存

額亦都與揚古利費英東並以開國佐運

勲臣陪葬於

福陵

昭陵之間昨秋恭

謁

祖陵曾親

臨

三功臣墓

酌酒

並紀

以詩

茲

阿里衮者額都

額亦都急呼之則為額都

四世孫勇豈匹其祖忠實

一例肫兆惠阻黑水回衆如蜂屯爾時舒赫德統兵連

入援又被狂狙阻進退至兩難適值阿里衮送馬繼進

過率兵亦弗多乘夜賊營掀賊駭自天降鹿墻羣逃奔

兩軍俱善歸

阿里衮解馬過進所統之兵無多既解舒赫德等呼爾滿之圍復至喀喇烏蘇夾擊

賊衆兆惠等並全師而出還至阿克蘇整兵再進遂以次平定回部重建鴻功全後復往

征緬受瘴惜隕身一再忘軀勞思之輒淚捫幸而子

善繼

阿里衮子豐昇額襲公爵擢尚書授副將軍征勦金川遜克爾宗之捷奮勇奏績以其克紹祖風於

公爵加繼勇二字凱旋圖像紫光閣復加一等子世爵方以其年壯可繼父志為國宣力乃未幾以病歿益增

悼

金川建殊勲凱旋以病終悲惜何忍言

故雲貴總督將軍一等誠嘉毅勇公明瑞

明瑞為

孝賢皇后之姪初襲承恩公選充侍衛乾隆丙子擢
副都統命往伊犁軍營為叅贊大臣尋遷戶部侍郎
同將軍兆惠往勦回部於喀喇烏蘇襲迫中忠
力拒賊已卯春我軍內外夾擊賊衆驚潰兩逆酋
望風遁明瑞統兵追及之於霍斯庫魯克轉戰三

時斬馘數百復敗之於阿爾楚爾叙功於公爵加
毅勇字圖像紫光閣晉都統擢領侍衛內大臣壬
午授伊犁將軍乙酉統兵復定烏什事詳烏什戰
圖補詠丁亥春還朝值緬匪滋擾楊應琚乖方貽
誤命明瑞為雲貴總督往代之繼復授為將軍令
相機進剿遂統兵由宛頂進賊於蠻結悉衆以拒
明瑞身先督戰乘大霧薄賊寨破其象陣斬級二
千餘生擒三十四人捷聞加一等誠嘉毅勇公世

爵賜紅寶石頂金黃帶四團龍補以示優異而以
承恩公爵令其弟奎林襲明瑞復敗賊於天生橋
由束寨次邦海取道猛密轢賊境數千里旋自大
山移駐猛腊屢戰克捷會叅贊額爾登額領兵早
塔巡撫鄂寧十檄促援還延不進賊偵我孤軍無
繼蟻聚抗禦明瑞因綠營疲病者多令將領分隊
護之以出而身自殿後接戰次小猛育賊益紛集
明瑞胸被重創而歿事聞痛惜弗能置因勅從優

議卹並建旌勇專祠祀之櫬還親臨賜奠磔額爾
登額於其前猶不足以紓余恨也

凡經百餘戰戰必先衆軍不謂世胄家而有如此人讀
書知大義挽勁鮮與倫短身既精悍謀畧兼出羣功難
俚指數嘉賚匪因親征緬次猛腊獨入克捷頻恨遇忌

功者逍遙河上陳

明瑞師次猛腊孤軍深入重地應有
繼進之兵時額爾登額分駐卑塔若

星馳赴援未嘗不可合力奮勦即不能成功亦可全師
而出乃額爾登額忌明瑞獨成大功觀望不進時鄂寧
為滇撫十檄敦促轉繞回銅壁關達延半月始達宛頂
而明瑞以無援助竟至捐軀額爾登額實死有餘辜矣

力戰絕後繼終焉捐其身於爾無悔怨於我增悲幸不
須讀杜牧謂過趙使君

故大學士舒赫德

舒穆魯亦滿洲大族昔徐元夢以翰林魚通清漢
文在

皇祖時即為衆所推舒赫德其孫也頗能世其家學雍
正年間以試繕譯授中書軍機處初立與兆惠同
為章京故亦通達事體余即位授御史三遷至侍

郎兼步軍統領戊辰擢都統復遷尚書為軍機大臣隨經畧大學士傅恒赴金川辦軍務甲戌以後並在軍營再起再罷戊寅冬以白衣留阿克蘇聞兆惠黑水事即飛驛奏聞隨簡精銳馳援仍授副都統叅贊大臣己卯春擊潰賊衆平定回部擢尚書予世職圖像紫光閣戊子春往雲南籌辦軍務以陳奏失當下部議罷職任予都統銜赴烏什為叅贊大臣辛卯土爾扈特汗渥巴錫等率全部歸

順調至伊犁經理撫輯事悉協機宜即命為伊犁
將軍旋授戶部尚書及領侍衛內大臣癸巳秋晉
大學士召還兼管吏部刑部甲午秋率滿洲兵往
臨清勦捕逆匪王倫等甫六日而戴事賜戴雙眼
孔雀翎以旌其能復予雲騎尉世職嗣以平定金
川圖像紫光閣文武大僚得再與功臣圖贊者不
過數人而已丁酉夏扈從易州敬襄

山陵大典忽遘時疾遣醫診視不數日而歿賜襚賜卹

入祀賢良祠並於回京後親臨奠醑舒赫德老成
練達足副任使且纔長余一歲不意其溘逝如此
之速曾賦詩惋惜之迹其生平多以功績顯故從
其著者列為功臣云

遇順饒有智達艱或失算究以從政久經事實明練屢
罷屢復用中心惜英彥踐歷更老成遂掌絲綸渙西師

頻建功然職在參贊土爾扈歸順

土爾扈特急呼之則為土爾扈余初聞渥

巴錫等來歸之信恐伊勒圖一人不能經理得宜因命舒赫德往治其事舒赫德至伊犁於一切安汛設偵籌

欽定四庫全書

卷五十八

諸密備之事無不悉妥故新投之人一經理實妥善
至如歸詳見向所作土爾扈特歸順記
六日靖臨清則信資偉幹變理原未久勲伐誠可按懷
舊不能忘悽然一梁翰

故四川提督三等威信公岳鍾琪

漢提鎮中有功可錄者雖不乏人而宣力

三朝名震諸番者無出岳鍾琪右故特表之鍾琪陝西

臨洮人初由同知改武任游擊

皇祖時已擢四川提督雍正元年授奮威將軍征青海

有功予三等公爵尋遷川陝總督七年授寧遠大將軍由西路征勦噶爾丹策凌十年大學士鄂爾泰劾其玩忽縱賊奏報不實部議革職銜削公爵皇考宥之仍留總督任護大將軍印降公爵為三等侯戴罪立功張廣泗復劾其怪僻乖方遂罷職削爵付法司鞠訊擬以大辟疏

留中余踐阼初命免罪回籍乾隆十三年以總兵銜勦金川逆酋尋授四川提督會大學士傅恆經畧金

川軍務畚首畏懾乞降鍾琪奉經畧令輕騎入畚
巢曉以順逆示之不疑莎羅奔即抒誠乞降凱旋
仍與三等公爵賜號威信並製詩以獎勵之十九
年赴重慶督緝墊江逆匪陳琨等事竣還卒於資
州賜卹如例鍾琪任川陝總督時湖廣逆犯曾靜
遣張熙投遞逆書鍾琪佯與設誓誘其吐實即參
奏逮治其蓋誠既足嘉智畧亦深足取余每以此
事念之鍾琪弟鍾璜繼為四川提督畚人亦素信

服惜其後無能接踵者

三朝師武臣鍾琪為巨擘車騎伐準夷實其算之失

鍾岳

琪征噶爾丹策凌時議用車戰因設車騎營肄習之終歸無用未免泥古之失耳

設誓誘

張熙忠誠天鑒赤家居十餘年命董金川役

鍾琪釋歸十餘年以

金川軍務復召用益切感奮猶能單騎入番若使逆酋畏讐乞降誠足嘉也

單騎入賊若大

義示順逆勇而且有謀羣番讐辟易受降遂凱旋實亦資宣力所見綠營多鮮或踵其迹卓有古將風書勲太常

冊

御製詩四集卷五十八

欽定四庫全書

御製詩四集卷五十九

古今體三十七首

己亥五

五詞臣五首

故大學士梁詩正

梁詩正雖在尚書房彼時余學已成名為師而實
友其入閣又不過半年無事績可紀而直內廷
則甚久因列之詞臣猶舒赫德之列於功臣黃廷

桂等之列於督臣也詩正浙之錢塘人雍正庚戌
一甲三名及第授編修再遷至侍講學士雍正十
三年以母病乞歸省旋丁母憂乾隆元年召來京
直南書房兼授諸皇子讀尋補侍讀學士游陟尚
書由戶部調兵部協辦大學士遷吏部尚書十七
年以父年老請歸侍養廿二年南巡命在籍食俸
廿四年起署兵部尚書再踰年授吏部尚書兼翰
林院掌院仍協辦閣務廿八年六月授大學士十

一月卒于位命皇子往奠優加贈卹入祀賢良祠
詩正老成勤恪詩筆工整亦能書與汪由敦蔣溥
等排次三希堂法帖其資望為內廷翰林所推懷
舊詞臣之作故當首及耳

未可甘盤倫祇宜顏般等信稱館閣材句每有清警踐
更既已深遂亦絲綸領一夜無病逝入閣實未永持身
恪且勤居家儉而省內廷行最久交接一以屏不似張

照揮霍故率稱其冷

梁詩正性儉嗇雖在內廷多年於
太監等鮮所交際非若張照之隨

意揮霍故若輩喜張而憎梁太監鄭愛桂每于余前稱
照之長以形詩正之短余燭其情偽議愛桂罪并降旨
通諭宦寺知所炯戒衆或有言翻以是嘉之吾豈蔽近
詩正太冷者余轉以此取之

倖

故刑部尚書張照

內廷詞臣之歷資最久者莫如張照張照江蘇婁
縣人康熙己丑翰林

皇考御極擢贊善洊陟內閣學士選刑部侍郎管順天
府尹事尋晉尚書雍正乙卯

命赴貴州經理苗疆余嗣位撤回以總督張廣泗往代

初張照承

皇考命赴黔曾

諭及苗疆事鄂爾泰或有經理未善處照既至即札致
哈元生令搜求鄂爾泰之事哈元生據以入告是
照未能領略

聖意辦理失宜實自取戾也因命罷職治罪時鄂爾泰
以大學士充總理事務因欲置之重刑而余恚其

委曲不肯既而宥之命在武英殿修書行走乾隆
丁巳授內閣學士入直南書房庚申遷刑部侍郎
踰年擢尚書甲子冬丁父憂歸卒於途賜卹如例
張照性穎敏博學多識中和韶樂多所釐定文筆
亦雋逸拔俗尤工書臨撫各臻其妙字無大小皆
有精神貫注閱時雖久每展對筆墨如新余嘗謂
張照書過於董其昌非虛譽也

書有米之雄而無米之略復有董之整而無董之弱義

之後一人舍照誰能若即今觀其蹟宛似成於昨精神貫注深非人所可學

三朝直內廷受

恩早且渥

叶

其詩喜談禪學蘇

謂東坡

太相

去聲

著以苗疆

獲罪意實別有託

張照既未能體苗疆而先以尋郭爾泰之釁為急原

皇考聖意妥辦

應治重罪然其事之始末適以奉

諭同理苗疆故

知之最悉而不肯抵彼以罪照應如何感激朕恩而彼乃私有怨言竟謂朕受郭爾泰蒙蔽抵彼以罪若朕果受郭爾泰蒙蔽則照早不保首領矣尚有後日之為尚書耶然事已過亦不追治其罪恐疑案滋後世之議故明叙而注之

平苗事既久復用仍

遷擢性敏才本高未免失行薄使其生前明標榜必致

錯本朝無所施小哉張與鄂

鄂爾泰張廷玉素不相得
兩家亦各有私人但我朝

綱紀肅清不能如明季門戶黨援之盛蓋照即張所喜
而鄂所惡者張廣泗即鄂所喜而張所惡者余非不知
既不使一成一敗亦不使兩敗俱傷在余心固自
有權衡而鄂與張兩皆成就為賢臣不亦善乎

故吏部尚書汪由敦

汪由敦休寧人占籍浙江之錢塘有名於數文書

院雍正甲辰以二甲傳臚選翰林洊歷侍讀余即

位初擢四譯館卿入直南書房旋遷內閣學士乾

隆二年以不密降侍讀學士五年復授內閣學士
遷禮部侍郎繼由兵部調戶部九年晉工部尚書
調刑部十一年兼署左都御史為軍機大臣十四
年協辦大學士會張廷玉致仕將歸乞余一言為配
享

太廟左券元老大臣不宜為此要君之事欲命軍機大
臣降旨詰問之而由敦免冠叩首奏言張廷玉蒙
聖恩曲加體恤終始矜全若明發諭旨則廷玉罪

將無可逭此則師生捨身相為之私情已露不可
不示懲創因罷其協辦之任降兵部侍郎十六年
轉戶部尋擢工部尚書明年調刑部又明年遷吏
部尚書二十三年春遘疾賜醫診視竟不起即親
臨奠醑並賦輓詩致慨入祀賢良祠從優贈恤由
敦學問淵純古文雅飭有法工書善臨撫功不少
輟乃年未七十而歿追念舊臣每深惜之

由敦亦工書用功過于照而實不能及則以天分料古

學實勝之雅正弗輕掉任職本謹愿書諭夙夜效乃以

師生誼獲罪自所召

由教既為廷玉叩籲免降明旨及廷玉奉允令配享之旨具摺謝恩

詞稱泥首闕廷並不親至及欲傳旨令其明白回奏次日廷玉即至內廷此非由教漏泄而何徇私情而忘公

義其咎實自取也

不可聽其然小懲大戒劭然亦旋重擢改過

斯堪教飾終仍加恩善善欲長導

故刑部尚書銜原刑部侍郎錢陳羣

詞臣退居林下齒爵學問足為搢紳領袖者惟錢

陳羣沈德潛二人余昔有二老江浙之大老句東

南士大夫多欣羨之陳羣浙之嘉興人康熙辛丑翰林雍正九年遷贊善洊歷侍講學士十三年直南書房尋改右通政乾隆元年丁母憂歸其母陳氏知書工繪事陳羣少時每每勗之學有夜紡授經圖陳羣嘗奏及余嘉而題之服闋補原官六年擢太僕卿累遷至刑部侍郎十七年得轉轂疾連疏乞解職准回籍調治廿二年命在籍食俸廿七年加尚書銜三十年賜其幼子錢汝弼為舉人時

南巡迎鑾時所加恩也再與香山九老矍鑠如舊
冀其尚可再赴闕廷曾賜葭以資頤養三十九年
正月竟以疾卒於家聞而悼惜優卹有加祀賢良
祠陳羣深于詩學書法亦蒼老家居以後每歲錄
寄御製詩百餘篇命之和陳羣既和韻並寫冊頁
以進冊必有跋字體或兼行草余甚愛之詩多不
經人道語而其香山詩有鹿馴巖畔當童扶之句
喜其超逸親為圖以賜及駐蹕香山覽其抵家奏

即得二句云香山適接還鄉信即景尤思扶鹿人
於摺內批答之仍續成書幘寄示如此佳話今不
可復得矣能無追念乎

少年困場屋賢母授之經故學有淵源於詩尤粹精經
濟雖非卓不失為老成以疾賜懸車還鄉信循名

相傳
嘉興

有還鄉河故其地仕官多
歸老者吾于陳羣益信迎鑾三于浙祝

釐兩入京倡和稱最多

陳羣三次迎鑾兩次入都今其
和韻極多如田園詩之類亦有

賜和具
韻者頌中規亦行林下惟恂謹文外無他營優游登

大耋生賢沒亦榮

故禮部尚書銜原侍郎沈德潛

沈德潛與錢陳羣余嘗稱為江浙二老施恩則同
而守分承恩則沈不逮錢遠甚德潛吳中諸生久
困場屋乾隆戊午舉於鄉年已七十其成進士選
詞林皆由物色而得之授職甫三年即擢至詹事
再遷禮部侍郎命在尚書房授諸皇子讀戊辰秋
引年乞休准致仕瀕行呈所作歸愚集籲賜序文

德潛早以詩鳴非時輩所能及余耳其名已久頻
年與之論詩名實信相副笑俞所請因云非常之
人然後有非常之遇德潛受非常之知而其詩亦
今世之非常者故以非常之例序之蓋異數也辛
未南巡命在籍食俸丁丑加禮部尚書銜乙酉賜
其孫維熙為舉人嗣復時予存問冀躋百齡尋以
己丑秋卒於家聞而贈階優卹以示軫惜并入祀
鄉賢祠生前身後寵榮至矣顧其辛巳來京以選

刻國朝詩別裁集乞序閱之則以錢謙益輩為本
朝之冠其人皆士類所不齒德潛首列之離忠孝
而言詩乖於正道其他序次亦多踳誤意德潛耄
荒或其門下士依草附木者流所為而德潛未及
檢因命內廷翰林重為精校以定去留并序示大
義而還之猶包容不加責也戊戌秋徐述夔逆詞
案發沈德潛曾為作傳稱其品行文章皆可法直
視悖逆詩句為泛常轉欲為之記述流傳則良心

斯滅盡矣使其身尚在獲罪不小雖已死亦不可
竟置不論因下廷臣議僉云應削奪所有階銜祠
謚并仆其墓碑以為衆戒並從之今作懷舊詩仍
列詞臣之末用示彰瘡之公且知余不負德潛而
德潛實負余也

東南稱二老曰錢沈則繼並以受恩眷佳話藝林志而
實有優劣沈踏錢為粹錢已見前詠茲特言沈事其選

國朝詩說項乖大義

錢謙益品本不端且以明李大臣
降順本朝復膺顯秩而又陰為排

刺進退無據實不足比於人類德潛取為國朝詩之冠
竟不論其名節有虧妄加評許昧於忠孝大義尚何足
以言詩詳見向所作
國朝詩別裁集序
制序正厥失然亦無訶厲仍予飾

終恩原無責備意昨秋徐

述變

案發潛乃為傳記忘國庇

逆臣其罪實不細用是追前恩削奪從公議彼豈魏徵

比仆碑復何日

叶

盖因耄而荒未免圖小利

徐述變家
饒於賢德

潛為之作傳不過圖其潤筆貪小利
而諛大逆不知有恥并不知畏法矣

設曰有心為吾知

其未必

叶

其子非已出紈袴甘廢棄

德潛無子其嗣子
種松不知何所來

人甚不肖狎邪作惡曾命該撫就近約束之幸而未致
生事抵罪而德潛末年所得諛墓財皆被其蕩費罄盡

娶妻至多養子至十四人其視德潛賜舉人者不久
即天其餘無一成材者實德潛忘良負恩之報也 孫

至十四人而皆無書味

天網有明報地下應深媿可惜徒工詩行闕信何濟

五督臣五首

故大學士陝甘總督三等忠勤伯黃廷桂

閣臣之兼督臣者凡四人黃廷桂宜居首然四人
者或未入閣辦事或雖蒞綸扉無事實可錄而在
封疆中則皆政績卓著者故並列之督臣亦如舒

赫德列于功臣梁詩正列于詞臣例也黃廷桂鑲紅旗漢軍康熙五十一年充侍衛尋任叅領雍正二年授宣化總兵五年擢四川提督

皇考知其才遷四川總督仍管提督事乾隆元年併川陝總督為一廷桂專任四川提督是年冬內陞鑾儀使二年署天津總兵五年遷古北口提督六年授甘肅巡撫十三年春署陝甘總督其冬遷授兩江總督十六年調陝甘十八年調四川十九年擢

吏部尚書總督如故二十年五月授大學士兼管
總督六月復調陝甘廷桂所至力為整飭吏治肅
然遇事無所徇隱悉核實入告誠篤有足嘉者其
任陝甘也適當西陲用兵之時廷桂籌辦軍需備
極勞瘁凡餉解駝馬轉運糧餼無不精詳妥協毫
不累民供輸數年內地不知有兵糈事至其規畫
悉中機宜每有傳諭批示尚未達甘肅而廷桂郵
牘至適相脗合者叙平定準噶爾功予騎都尉世

職旋晉三等忠勤伯賜雙眼孔雀翎紅寶石頂四
團龍補以示寵眷二十三年冬督辦軍需赴涼州
抱疴日劇猶勉力視事邊地少良醫布政使蔣炳
奏聞即遣額駙福隆安挈御醫往視甫行而廷桂
已於二十四年正月病故覽其遺疏深以調飲馬
匹及地方賑務籌辦未竟為憾益足盡傷矣仍命
福隆安馳往奠醊賜銀萬兩治喪入祀賢良祠即
令其子襲伯爵并製輓辭四章有云鞠躬盡瘁今

誠已葛亮而來此一人非斯人不足當斯語也及
平定西域追畫其像於紫光閣余親為之贊云未
同凱宴痛惜曷任至今思之猶為隕涕云

西陲用兵時軍需信要務統勲既罷斥

劉統勲為陝甘總督聞阿逆之

變議棄巴里坤恐其搖惑軍心即罷斥逮特用就熟路治而以黃廷桂代之籌辦軍務始得其益

擘畫實盡勞諸事皆弗誤而以民為重從不加征賦遇
災仍賑恤入告直陳故可比主吏蕭關中勤供輸以此
論功勲章服錫異數為政頗尚嚴赫赫名久著然而公

無私任勞任怨素

兩朝所造就似此誠罕遇

故大學士前兩江總督尹繼善

皇考時擢任封疆余踐阼後存者漸稀惟尹繼善歷年
最久尹繼善姓張佳前大學士尹秦子也雍正元
年翰林五年遷侍講兼戶部郎中

命往廣東審勘藩臬兩司受賄徇隱案得實即署廣東
按察使六年三月以內閣侍讀學士往江南協辦

河務八月署江蘇巡撫明年二月實授仍兼管河
務八年署江南總督十一年遷雲貴廣西總督乾
隆二年秋入覲以父年老乞留京授刑部尚書五
年授川陝總督再調兩江兩廣十三年大學士公
傅恒經略金川尹繼善往為參贊兼署陝甘總督
廿一年實授兩江總督兼管總河廿九年晉大學
士為軍機大臣仍管總督三十年召還入閣辦事
三十六年卒于位聞而軫悼即遣皇子奠醊賻卹

有加入祀賢良祠滿洲翰林中優于文學兼能通
達政事者無出尹繼善右且以其為

皇考所留貽大臣始終任用之尹繼善公正端厚所至
以愛民為先務故甚得名譽臨事不動聲色而小
大悉就理籌畫河工諸務並協機要其待僚屬雖
若上和下睦然遇劣跡應劾者亦不多寬假以是
人皆愛而畏之丁丑壬午乙酉三次承辦南巡不
涉華靡不事科派實能深體余意尤足嘉焉尹繼

善任督撫四十餘年在內閣僅六載其事蹟多著
於外故仍列之督臣懷念不置而環顧滿洲翰林
罕有能繼之者益增感歎耳

八旗讀書人假藉詞林授然以染漢習率多忘世舊問
以弓馬事曰我讀書秀及至問文章曰我旗人胄兩岐
失進退故鮮大成就自開國至今任事奏績茂若輩一
二耳其餘率貿貿繼善為巨擘亦賴

訓迪誘八年至總督

異數誰能邁政事既明練情性復溫厚所至皆妥帖自

是福量輳能詩略如白

謂居易

倡和亦頗富獨愛馳驛喻

南巡時於山水名勝略涉游覽即行從不留戀久坐而
景繁亦自不遺尹繼善爲此于馳驛觀山間之不惟不
怪而嘉其深合余寓意于物而不
留意于物之義向每賦詩及之知寓意不留

故大學士兼江南河道總督高斌

高斌初為內務府司員雍正四年任蘇州織造六
年遷廣東布政使尋調浙江江蘇及河南九年授
河南副總河十年春調兩淮鹽政是冬兼江寧織

造十一年春

皇考命其就近學習河務十二年春署江南總河余即位後令實授河督乾隆六年調直隸總督十年擢吏部尚書十二年夏授大學士十三年閏七月以大學士兼管江南總河十八年以河員應追核減之項聽其遲延又淮水決邵伯二閘罷職留工自効二十年卒于工念其為宣力舊臣歎歷年久予內大臣銜廿二年南巡復念高斌為總河時頗著

勞績如毛城舖所以分洩黃流於徐州設水誌必至七尺始開後人不用其法遂致黃弱沙淤隱貽河患至三滾壩洩洪湖盛漲高斌堅持堵閉下河亦屢豐其功在民生自不可泯雖張家馬路及運河二閘不免果於自信貽誤而瑕瑜自不相掩本朝河臣雖不及靳輔較之齊蘇勒稭曾筠殆有過之因命與靳輔等三臣同列河壩祠祀復原職高斌存心忠厚且以理學自居人頗方正其辦河務

實能體國抒誠不涉虛偽食報宜不爽乃其子高
恒既以任鹽政時受商人賄伏法其孫高模往駐
葉爾羌貪黷藐法勾通奸商盜賣私玉賊逾鉅萬
且派累回人幾致激變實非情理所應有因即于
回疆立賞大辟猶不足以蔽辜高斌後人不宜若
此余雖憫高斌實不能廢法曲貸也其在綸扉未
久而治河之績彰彰可考因于督臣中致念云

本朝善治河靳輔齊蘇勒斌實可比靳弗徒保工急至

其於齊也有過無不及

齊蘇勒惟以保守隄工為務惟其於為民大局初不計也

是閉三壩自信過於力下河曾受福異漲害亦迫

高斌力主

堵閉三壩下河固受其利然狃于成見雖遇清水盛漲亦執而不變癸酉秋洪湖異漲其自高堰五壩洩下之水高寶雨湖至不能容高斌仍不肯啟放車邇南關等壩致洪流衝突潰決隄岸不特下河被災甚重即潁運河之高寶各州縣亦胥受其患則咎有攸歸因治高斌之罪用此抵以罪勸懲國之

則然終諒其心與祠復原職壬午復南巡清口親定式

預拆東西壩頻年已受益

壬午南巡閱視清口因于高堰五壩定水誌如清水比誌

增長一尺則拆清口東西壩十丈視其增長尺寸隨時展拆兩壩俾宣洩有資為釜底抽薪之計及水減退仍

按誌以次鎮築酌留口門二三十丈自定水誌昨秋黃以後河臣如法展拓清口連歲有收下河受益

河決洪湖漲因逼無已徐啟壩未至衝潰棘

昨秋豫省黃河漫溢

歸入淮河勢甚浩濶計洪湖必不能容納因先事綢繆傳諭薩載以次展拓清口並於各開壩酌啟洩水薩載遵旨盡展清口東西兩壩六十丈又先啟山盱智信兩壩復啟仁義禮三壩並將南關車邏昭關各壩同時開放運河兩岸始保無虞雖下河不免稍被偏災然減下之水較之衝決勢緩故為患不至太甚且豫籌賑卹民皆安堵惜高斌當日未能見及展拓清口及啟放開壩致有癸酉之失也使斌而有知應歎初未識

故直隸總督方觀承

漢督撫中歷任最久始終無大過者莫如方觀承因於懷舊
詩及之觀承安徽桐城人雍正十年以監生隨定邊大將軍平
郡王福彭赴北路軍營為書記十三年還京予中
書銜乾隆元年授內閣中書為軍機章京因得通
達事體且嫺章奏三年授兵部主事洊陟吏部郎
中七年擢清河道歷直隸臬司藩司十一年暫署
山東巡撫十三年擢浙江巡撫明年遷直隸總督
兼管河務三十三年秋于石槽召見因其病瘡委

頗即令還保定調治尋遣醫賞藥九診視未幾卒
予卹如例觀承總督畿輔二十年恪勤奉職且留
心民事如義倉書院留養育嬰各局並飭所屬實
力舉行其籌辦河務亦得機要庚午春余閱視永
定河全勢以下口宜暢使易趨下觀承請移下口
于水害草壩以避其險旋改由賀老營及條河頭
究不過補偏救弊之策當詢之觀承云此法果如
何觀承奏云二十年内可保無恙復詰之云二十

年後當如何觀承不能對今距移下口閱三十年
河流雖不時遷改幸尚無大患而觀承歿已十餘
年矣惜哉第其在任久于屬員不免稍徇情面嘗
有許其短者顧事未發覺余亦詎肯吹求若近日
周元理於井陘一案袒庇短價激變之劣員曲為
開脫既已得實則不可不示懲儆以肅吏治昨
作久任詩及之非恕于觀承而苛于元理各視其
所自取耳

以書記起用古有今則無有之祇一人曰惟觀承夫夙
稱習政事銓曹尤著譽出而為監司游陞撫與督叶在
直二十年勤幹實有餘永定籌補苴艱為永逸圖然僅
能如此誠亦蒿目子徒以蒞任久稍與姑息俱未至大
狼藉何必吹求吾成全良臣多距非佳事乎

故大學士兼兩江總督高晉

高晉大學士高斌之姪也初任知縣游陟山東運
河道乾隆十四年擢山東按察使明年遷安徽布

政使二十年擢安徽巡撫尋協同白鍾山辦南河
事廿六年授江南河道總督三十年擢兩江總督
命統理總河事三十六年授大學士仍管兩江總
督兼總河高晉歷封疆三十年勤以奉職誠以任
事尤能整飭吏治盡心民莫吏不敢欺而民愛之
蓋由縣令起家於下情無不深悉故也其於治河
頗步趨高斌效其純而去其偏故無少愆失凡修
防疏築諸事皆實心經理當今曉河務者無出其

右昨秋豫之祥符儀封黃河漫溢奪溜堵築非姚
立德等所能任因勅高晉率南河諳練將弁馳往
董治乃兩處漫工屢塞屢開績久弗就高晉憂惶
成疾日益危篤尚書袁守侗郵奏即遣侍衛攜太
醫院使往視並諭以安心調理醫至甫數日竟不
起聞而軫悼優卹有加入祀賢良祠並為輓詞惜
之高晉老成敦樸體用兼優實督臣中之傑出者
雖為閣臣而未辦閣務故仍列於督臣高晉齒雖

長余數歲而精力未憊冀尚可資倚任不意其遽
以勤事歿深歎賢臣之淪謝矣憶余初踐阼時大
臣皆長於余且多

皇考所簡用今則舊臣竟無一人即有長於余者悉余
所拔擢而年小於余者亦間有凋零此懷舊之詩
所為作也

從來擢督撫德才量

去聲

並重以此下僚中

平聲

百不一二

中自知縣起者臻斯必超衆晉也實其人故悉下情洞

更兼習河務要任久倚用乃以治河決來豫屢稽功叶
憤懣因致疾不起誠堪痛厯厯懷舊臣中外資經綽而
予未歇肩籲後期與共

題睿思東閣玉章

睿思曾是建熙寧思義顧名何逕庭洪範二疇應未讀
故將新法亂周經

七言蘇與五言米閣殿都曾印睿思

石渠寶笈所藏米芾茗溪詩墨蹟有

睿思殿印又蘇軾春帖子詞墨蹟有睿思東閣印二卷俱列入三希堂帖其印大小及篆法均與此玉章稍異

但考睿思殿建自宋神宗熙寧八年是此
印必非臣下所用似曾經內府鑒藏者
臣下安從得

此用疑經內府鑒藏之

詠哥窯葵花枕

椀作葵花式應存向日情依然出宋代却可辨難兄火
色泯無迹釉光注未平器珍原以舊新必致訾評

嘗謂古器雖髣髴人亦珍之若近時器雖精工而有
微疵率以為脚貨棄之中庸二十九章所云世法世
則之君子於同時不過遠有望而近不厭亦此意也

題錢維城畫花卉二十四種

杏花

圖來豈是自靈山，綵翠粲紅尺幅間。恰似未忘情白傅，

舞腰仍對素和蠻。

傍繪白
山桃

白山桃

領袖羣芳春晚開，天斯是矣灼非哉。

紅可謂之灼，灼白但可謂之天天耳。

畫家寓意須詳審，莫認紅梅與白梅。

玉蘭

原是辛夷種接植陳淳詩句欠分明

玉蘭川辛夷接枝
辛夷色紫接玉蘭

則開花仍白陳淳詠玉蘭乃云花開不是
辛夷種自得凝香繞紫苞蓋未深考也

文家堂畔春

三月不足長言更寫生

丈微明所居有玉蘭堂石渠寶
笈藏徵明畫玉蘭幅自題一律

識云庭中玉蘭盛開連
日賞玩賦此并系以圖

貼梗海棠

無香遮莫恨淵材磬口深紅別樣裁開向圖中長不落

宿粧殘粉漫須猜

藤花

葉如張幄花如錦步幃由來勝紫絲不寫施松寫獨立
可知作者具深思

黃薔薇

綠簇琳琅裁密葉黃標琥珀綴團花色如衛足嫌多刺
買笑那能防鬪奢

荷包牡丹

鼠姑葉具體而微君子花形是也非恰似佩囊密懸帶
俗名何碍號依稀

山丹

擔艷花承苯萼叢渥丹

山丹一名渥丹

彷彿詠秦風南開夏孟

北夏季節令暄寒有不同

紅梨

乍見紅梨白梨似始知大放雪
英蕤名臣古語真堪味
憂盛危明意在茲

紫荊

紫葩綠葉綻枝皆格物因之別
契懷感涕或誠非感孝

笑他奇語述齊諧

齊諧記載田真兄弟欲分室前紫荆破為三片樹即枯真見而悲不自勝

不復解樹樹應聲榮茂兄弟相感合財遂為孝門云云志怪之書本不足信但兄弟既稱析居必已無父母者不得為孝藉有其事亦止當稱悌門耳何以孝門許之乎

榴花

枝頭疑火却無焰
幘裏含姿祇少香
似妬游蜂頻採掠
高低齊綴絳紗囊

金絲桃

布金園裏拈來卉
遍地英英色作黃
底事花開必五出

天然數亦叶中央

荷花

益清香遠美非艷雅淡粧成自照波底事圖中無並采
一變已足豈須多

慈姑

薰風習習水溶溶翠幹銀花也自穠開傍芳荷定何碍
可知君子善能容

翠桃

移根原異西池種面作翠藍桃借呼底事開花弗結子
有名無實姓疑盧

秋海棠

一以開春一以秋名同實異詎無由木堅草脆彼春占
偏傲秋光此豈柔

菊花

淺紅淡白耐秋暉陶令籬邊是也非莫訝叢無黃色朵
世間原是副名稀

剪秋羅

輕羅薄薄剪深紅秋色傳來自漢宮

一名漢宮秋色

似是履霜

注坤卦却教九月先

去聲

幽風

萬壽菊

煒煒黃花照月明雅如七月詠稱觥傳神名繪偶經眼
避席佳言更切情

淡竹葉

葉抱節生形似竹花依葉綻小於錢詩人體物具精義

扇撲曾聞詠碧蟬

楊妃茶

劍南種本近楊妃
小子何妨一借依
即看壓枝豐潤采
也應不讓太真肥

天竺

勻圓顆粒不參差
聞說根從天竺移
數盡珊瑚八百子
真言六字竟為誰

水仙

瀟灑水姿迴出塵清泉汨汨石磷磷水仙設果詢名姓
不是琴高是洛神

金盞

漫稱鍾令泛流霞遺蹟重披縑念賒

是冊錢維城前此繪進時僅令御園

陳几茲披其遺蹟因為補題

借問伊人意何寓四時無日不看花

金盞

一名長春

御製詩四集卷五十九